

MISSÆ PROPRIÆ

ARCHIDICECESIS VINDOBONENSIS

Die 26 Decembris

S. STEPHANI PROTOMART.
Titularis Ecclesiae Metropolitanæ

Duplex I classis

Omnia ut in Missali hac die, mutato ritu.

Die 8 Januarii

S. SEVERINI ABBATIS
Patroni secundarii Ecclesiae
Metropolitanæ
Duplex majus

Missa Os justi, de Communi Abbatum.

Die 15 Februarii

IN TRANSLATIONE
S. LEOPOLDI CONF.

Marchionis et Patroni Austriæ
Duplex majus

Missa ut die 15 Novembris 14*,
præter Orationem propriam ibidem pro Translatione notatam.
Et, post Commemorationem Fe-

riæ in Quadragesima, fit Commemoratio Ss. Faustini et Jovitæ Mm., ut in Missali hac die.

Die 6 Martii

S. FRIDOLINI CONF.
Duplex

Introitus Ps. 91, 13-14

JUSTUS ut palma florébit: sicut cedrus Libani multiplicabitur: plantátus in domo Dómini: in átriis domus Dei nostri. Ps. ibid., 2 Bonum est confitéri Dómino: et psállere nómini tuo, Altíssime.

V. Glória Patri.

Oratio

Adésto, Dómine, supplicatióni- bus nostris, quas in beáti Fridolíni Confessóris tui sollemnítate deférimus: ut, qui nostræ justitiæ fidúciam non habémus, ejus, qui tibi plácuit, précibus adjuvémur. Per Dóminum nostrum.

Et, in Quadragesima, fit Commemoratio Feriæ.

Deinde Ss. Perpetuæ et Felicitatis Mm.:

Oratio

Da nobis, quæsumus, Dómine, Deus noster, sanctárum Mártirum tuárum Perpétuæ et Felicitatis palmas incessábili devotíone venerári: ut, quas digna mente non póssumus celebráre, humilibus saltem frequentémus obséquiis. Per Dóminum nostrum Je-sum Christum, Filium tuum: Qui tecum vivit et regnat in unitáte Spíritus Sancti Deus.

**Léctio Epistolæ
beati Pauli Apóstoli ad Corínthios
1 Cor. 4, 9-14**

Fratres: Spectáculum facti sumus mundo et Angelis et homínibus. Nos stulti propter Chri-stum, vos autem prudéntes in Christo: nos infírmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et cólaphis cædimur, et instábiles sumus, et laborámus ope-rántes manibus nostris: maledici-mur, et benedicimus: persecutió-nem pátimur, et sustinémus, blasphemámur, et obsecrámus: tam-quam purgaménta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos caríssimos móneo: in Christo Jesu, Dómino nostro.

Graduale Ps. 36, 30-31

Os justi meditábitur sapiéntiam,
et lingua ejus loquétur judicium.
V. Lex Dei ejus in corde ipsius:
et non supplantabúntur gressus ejus.

Tractus Ps. 111, 1-3

Beátus vir, qui timet Dóminum:
in mandátis ejus cupit nimis. **V.**
Potens in terra erit semen ejus:
generáto rectórum benedicétur.
V. Glória et divitiæ in domo ejus:
et justitia ejus manet in sáculum sáculi.

 **Sequéntia sancti Evangélii
secúndum Lucam**

Luc. 12, 35-40

In illo témpore: Dixit Jesus dis-cípulis suis: Sint lumbi vestri præcincti, et lucérnæ ardéntes in manibus vestris, et vos similes homínibus exspectántibus dóminum suum, quando revertátur a núptiis: ut, cum vénerit et pulsáverit, conféstim apérian-t ei. Beáti servi illi, quos, cum vénerit dóminus, invénerit vigilantes: amen, dico vobis, quod præcínget se, et fáciet illos discúmbere, et tránsiens ministrábit illis. Et si vénerit in se-cúnda vigília, et si in tértia vigilia vénerit, et ita invénerit, beáti sunt servi illi. Hoc autem scítote, quóniam, si sciret paterfamilias, qua hora fur veniret, vigiláret úti-que, et non sineret pérfodi do-

mum suam. Et vos estóte paráti, quia, qua hora non putátis, Filius hóminis véniet.

Offertorium Ps. 20, 2-3

In virtúte tua, Dómine, lætabitur justus, et super salutáre tuum exultábit veheménter: desidérium ánimæ ejus tribuisti ei.

Secreta

Præsta nobis, quæsumus, omni-potens Deus: ut nostræ humilitatis oblátio et pro tuorum tibi grata sit honore Sanctórum, et nos cónpore páriter et mente purificet. Per Dóminum nostrum.

Et, in Quadragesima, fit Commemoratio Feriæ.

Pro Ss. Perpetua et Felicitate Secreta

Inténde, quæsumus, Dómine, múnera altáribus tuis pro sanctárum Mártyrum tuárum Perpétuæ et Felicitatis festivitaté propósita: ut, sicut per hæc beáta mysteria illis glóriam contulisti; ita nobis indulgentiam largiáris. Per Dóminum nostrum.

Communio Matth. 19, 28 et 29

Amen, dico vobis: quod vos, qui reliquistis ómnia et secúti estis me, céntuplum accipiétis, et vitam ætérnam possidébitis.

Postcommunio

Quæsumus, omnipotens Deus: ut, qui cælestia aliménta percépimus, intercedénte beáto Fri-

dolino Confessóre tuo, per hæc contra ómnia advérsa muniámur. Per Dóminum nostrum.

Et, in Quadragesima, fit Commemoratio Feriæ.

Pro Ss. Perpetua et Felicitate Postcommunio

Mýsticis, Dómine, repléti sumus votis et gáudiis: præsta, quæsumus; ut intercessiónibus sanctárum Mártyrum tuárum Perpétuæ et Felicitatis, quæ temporáliter ágimus, spirituáliter consequámur. Per Dóminum nostrum.

Die 15 Martii

S. CLEMENTIS
MARLÆ HOFBAUER
CONFESSORIS

**Urbis Vindobon. Patroni sec.
Duplex II classis**

Missa Justus ut palma, de Communi Conf. non Pont. 2 loco, præter Orationes sequentes:

Oratio

P

Deus, qui sanctum Cleméntem Mariam miro fidei róbore et invictæ constántiæ virtúte decórasti: ejus méritis et exémplis fac nos, quæsumus, ita fortes in fide et caritaté fervéntes; ut præmia consequámur ætérrna. Per Dóminum nostrum.

Et, in Quadragesima, fit Commemoratio Feriæ.

Secreta**P**

Ille nos, quāsumus, Dómine, de-votiónis ignis accéndat: quo sanctus Clemens María, dum salutárem offérret hóstiam, júgiter flagrávit. Per Dóminum nostrum. **Et, in Quadragesima, fit Comme-moratio Feriæ.**

Postcommunio**P**

Caelésti pane reféctis concéde nobis, omnipotens Deus: ut sancti Cleméntis exémplo, in for-titúdine cibi illius usque ad mon-tem, qui Christus est, feliciter per-veniámus: Qui tecum vivit.

Et, in Quadragesima, fit Comme-moratio Feriæ.

Die 28 Martii

**S. JOANNIS A CAPISTRANO
CONFESSORIS**

Duplex

Missa ut in Missali hac die, muta-to ritu.

Et, in Quadragesima, fit Comme-moratio Feriæ.

Die 20 Aprilis

**S. CONRADI A PARZHAM
CONFESSORIS**

Duplex

Introitus Ps. 36, 30-31

OS justi meditábitur sapi-éntiam, et lingua ejus lo-quétur judícum: lex Dei ejus in corde ipsius. (**T. P.** Alle-

lúja, allelúja.) **Ps. ibid., 1** Noli æmulári in malignántibus: neque zeláveris faciéntes iniquitátem. **V. Glória Patri.**

Oratio

Deus, qui misericórdiæ tuæ já-nuam fidélibus patére volui-sti: te súpplices exorámus; ut, intercedénte beáto Conrádo Con-fessóre tuo, temporália subsidia nobis tribuas et ætérrna. Per Dó-minum nostrum.

Léctio libri Sapiéntiæ

Eccli. 31, 8-11

Béatus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabi-lia in vita sua. Qui probátus est in illo, et perféctus est, erit illi glória ætérrna: qui pótuit tránsgressi, et non est transgréssus: fácere mala, et non fecit: ideo stabilita sunt bona illius in Dómino, et eleemó-synas illius enarrábit omnis ec-clésia sanctórum.

Tempore Paschali:

Allelúja, allelúja. **V. Jac. 1, 12** Beátorus vir, qui suffert tentatió-nem: quóniam, cum probátus fü-erit, accípiet corónam vitæ. Alle-lúja. **V. Eccli. 45, 9** Amávit eum Dóminus et ornávit eum: stolam gloriæ induit eum. Allelúja.

**In Missis votivis extra Tempus
Paschale dicitur**

Graduale Ps. 91, 13 et 14

Justus ut palma florébit: sicut cedrus Libani multiplicábitur in domo Dómini. **V. Ibid., 3** Ad annuntiandum mane misericórdiam tuam, et veritátem tuam per noctem.

Allelúja, allelúja. **V. Jac. 1, 12**
Beátus vir, qui suffert tentatióinem: quóniam, cum probátus fúerit, accípiet corónam vitæ. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3

Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generáatio rectórum benedicétur. **V.** Glória et divitiæ in domo ejus: et justitia ejus manet in sáculum sáculi.

 **Sequéntia sancti Evangélii secúndum Lucam**

Luc. 12, 35-40

In illo tempore: Dixit Jesus discipulis suis: Sint lumbi vestri præcincti, et lucernæ ardentes in mánibus vestris, et vos símiles hominibus exspectántibus dóminum suum, quando revertátur a núptiis: ut, cum vénerit et pulsáverit, conféstim apériant ei. Beáti servi illi, quos, cum vénerit dóminus, invénerit vigilantes: amen, dico vobis, quod præcinge se, et fáciet illos discúmbere, et tráns-

iens ministrábit illis. Et si vénerit in secúnda vigilia, et si in tértia vigilia vénerit, et ita invénerit, beáti sunt servi illi. Hoc autem scítote, quóniam, si sciret paterfamilias, qua hora fur veniret, vigiláret útique, et non sineret pérfodi domum suam. Et vos estóte paráti, quia, qua hora non putatis, Filius hóminis véniens.

Offertorium Ps. 88, 25

Véritas mea et misericórdia mea cum ipso: et in nómine meo exaltábitur cornu ejus. **(T. P. Allelúja.)**

Secreta

Oblatiónes nostras tibi, Dómine, quás sumus, beáti Conrádi intercéssio veneranda coméndet: quem coram tuis altáribus precántem supernórum charismatum dulcédine recreásti. Per Dóminum nostrum.

Communio Matth. 24, 46-47

Beátus servus, quem, cum vénerit dóminus, invénerit vigilátem: amen, dico vobis, super ómnia bona sua constituet eum. **(T. P. Allelúja.)**

Postcommunio

Súmpsimus, Dómine, tua sancta, beáti Conrádi mérita recoléntes: præsta, quás sumus; ut ejus semper et præcláro proficiámus exémplo et fidéli muniámur auxilio. Per Dóminum nostrum.

Die 23 Aprilis

IN ANNIVERSARIO
DEDICATIONIS ECCLESIÆ
METROPOLITANÆ

Duplex I classis

Missa Terribilis, de Communi
Dedicationis Ecclesiæ ritu pas-
chali.

Die 24 Aprilis

S. GEORGII MARTYRIS
(d. a. ex 23 hujus)

Duplex

Missal ut in Missali die 23 Aprilis,
mutato ritu.

Et fit Commemoratio S. Fidelis a
Sigmarina Mart., ut in Missali
hac die.

Die 27 Aprilis

S. PETRI CANISII
CONF. ET ECCL. DOCTORIS

Duplex II classis

Missal ut in Missali hac die, muta-
to ritu.

Die 4 Maji

SS. FLORIANI ET SOC. MM.

Patronorum Ecclesiæ
Metropolitanæ secund.

Duplex majus

Missa Sancti tui, de Communi
Martyrum Temp. Paschali 2 loco,
cum Orationibus sequentibus:

Oratio

C2

Deus, qui nos concédis sanctó-
rum Mártyrum tuórum Flo-
riáni et Sociórum ejus natalitia
cólere: da nobis in ætérrna beatí-
tudine de eórum societáte gau-
dére. Per Dóminum nostrum.

Et fit Com. S. Monicæ Víduæ:

Oratio

Deus, mæréntium consolátor et
in te sperántium salus, qui beátæ
Mónicæ pias lácrimas in conver-
sióne filii sui Augustíni misericór-
diter suscepísti: da nobis utriús-
que intervéntu; peccáta nostra
deploráre, et grátiæ tuæ indul-
géntiam invenire. Per Dóminum.

Secreta

C2

Múnera tibi, Dómine, nostræ
devotiónis offérimus: quæ
et pro tuórum tibi grata sint ho-
nóre Justórum, et nobis salutária,
temiseránte, reddántur. Per Dñm.

Pro S. Monica

Secreta

Accépta tibi sit, Dómine, sacratæ
plebis oblátio pro tuórum honóre
Sanctórum: quorum se méritis de
tribulatióne percepisse cognóscit
auxílium. Per Dóminum.

Postcommunio

C2

Præsta nobis, quásumus, Dó-
mine: intercedéntibus sanctis
Martyribus tuis Floriano et Só-
ciis ejus; ut, quod ore contingi-
mus, pura mente capiámus. Per
Dóminum nostrum.

**Pro S. Monica
Postcommunio**

Satiásti, Dómine, familiam tuam munéribus sacris: ejus, quássumus, semper interventióne nos réfove, cujus sollémnia celebrámus. Per Dóminum nostrum.

Pro Missa votiva extra Tempus Paschale dicitur Missa Sapiéntiam, de Communi plurimorum Martyrum 2 loco, cum Orationibus ut supra, sed loco „natalítia“ ponatur „memóriam“.

**Die 16 Maji
S. JOANNIS NEPOMUCENI
MARTYRIS
Duplex majus**

**Missa Dedit mihi, ut inter Festa pro aliquibus locis hac die.
Et fit Commemoratio S. Ubaldi Episcopi et Confessoris, ut in Missali hac die.**

Die 8 Junii

In Ecclesia Metropolitana:

**IN TRANSLATIONE
SS. CHRYSANTHI
CYRIACÆ ET MARCELLINI
MARTYRUM**

**quorum Reliquiæ in Ecclesia
Metropolitana requiescunt**

Duplex

**Extra Tempus Paschale Missa
Intret, de Communi plurimorum**

Martyrum 1 loco, præter Orationem sequentem:

Oratio P

Prästa, quássumus, omnípotens Deus: ut, qui gloriósos Mártyres fortes in sua confessióne cognóvimus, pios apud te in nostra intercessióne sentiámus. Per Dóminum nostrum.

Secreta C

Adésto, Dómine, supplicatióni bus nostris, quas in Sanctórum tuórum commemoratióne deférimus: ut, qui nostræ justitiæ fidúciam non habémus, eórum, qui tibi placuérunt, méritis adjuvémur. Per Dóminum nostrum.

Postcommunio C

Quássumus, Dómine, salutári bus repléti mystériis: ut, quorum sollémnia celebrámus, eórum oratióibus adjuvémur. Per Dóminum nostrum.

Tempore Paschali Missa Sancti tui, de Communi Martyrum 2 loco, cum Orationibus ut supra.

Die 27 Junii

**S. HEMMÆ VIDUÆ
Duplex**

Introitus Ps. 15, 8-9

PROVIDEBAM Dóminum in conspéctu meo semper: quóniam a dextris est mihi, ne commóvear. Propter hoc læ-

tatum est cor meum, et exsultavit lingua mea: insuper et caro mea requiescat in spe. **Ps. ibid., 1-2**
 Conserva me, Dómine, quóniam sperávi in te. Dixi Dómino: Deus meus es tu, quóniam bonorum meorum non eges. **V.** Glória Patri.
Et repetitur: Providébam Dóminum in conspéctu meo semper: quóniam a dextris est mihi, ne commóvear. Propter hoc lætatum est cor meum, et exsultavit lingua mea: insuper et caro mea requiescat in spe.

Oratio

Da, quásumus, Dómine, fidélibus tuis hunc caritatis affectum: ut sanctæ Hemmæ celebraté ferventes, nullis implicéntur erróribus, nullis adversitatibus affligántur; sed salutáribus profícient institútis, discant mundi contémptum, vitalibúsque præsidiis adjuvéntrur. Per Dóminum.

Léctio Epistolæ beáti Pauli Apóstoli ad Timótheum

1 Tim. 5, 3-10

Caríssime: Víduas honóra, quæ vere víduæ sunt. Si qua autem vídua filios aut nepótes habet, discat primum domum suam régere, et mútuam vicem réddere paréntibus: hoc enim accéptum est coram Deo. Quæ autem vere vídua est et desoláta, speret in Deum, et instet obsecratióibus

et oratióibus nocte ac die. Nam quæ in delíciis est, vivens mórtua est. Et hoc præcipe, ut irreprehensibles sint. Si quis autem suórum, et máxime domesticórum curam non habet, fidem negávit, et est infidéli detérior. Vídua eligátur non minus sexaginta annórum, quæ fúerit unius viri uxor, in opéribus bonis testimónium habens, si filios educávit, si hospítio recépit, si sanctórum pedes lavit, si tribulatióne patiéntibus subministrávit, si omne opus bonum subsecúta est.

Graduale Ps. 44, 3 et 5

Diffusa est grátia in lábiis tuis: propterea benedixit te Deus in æténum. **V.** Propter veritatem et mansuetudinem et justitiam: et deducet te mirabiliter déxtera tua.

Allelúja, allelúja. **V. Ibid., 5** Spécie tua et pulchritudine tua intende, pròspere procéde et regna. Allelúja.

 Sequéntia sancti Evangélii secúndum Mattháeum

Matth. 19, 16-26

In illo témpore: Accédens unus ad Jesum, ait illi: Magister bone, quid boni fáciam, ut hábeam vitam ætérnam? Qui dixit ei: Quid me intérrogas de bono? Unus est bonus, Deus. Si autem vis ad vitam ingredi, serva mandáta. Dicit

illi: Quæ? Jesus autem dixit: Non homicidium fácies: Non adulterabis: Non fácies furtum: Non falsum testimónium dices: Honóra patrem tuum et matrem tuam, et diliges próximum tuum sicut te ipsum. Dicit illi aduléscens: Omnia hæc custodívi a juventúte mea: quid adhuc mihi deest? Ait illi Jesus: Si vis perféctus esse, vade, vende, quæ habes, et da paupéribus, et habébis thesárum in cælo: et veni, séquere me. Cum audísset autem aduléscens verbum, ábiit tristis; erat enim habens multas possessiónes. Jesus autem dixit discípulis suis: Amen, dico vobis, quia dives difficile intrábit in regnum cælorum. Et iterum dico vobis: Facilius est camélum per forámen acus transire, quam dívitem intráre in regnum cælorum. Audítis autem his, discípuli mirabántur valde, dicéntes: Quis ergo póterit salvus esse? Aspiciens autem Jesus, dixit illis: Apud hómines hoc impossibile est, apud Deum autem ómnia possibilia sunt.

Offertorium Ps. 15, 6

Funes cecidérunt mihi in præcláris: étenim heréditas mea præclara est mihi.

Secreta

Ascéndant ad te, Dómine, preces nostræ, et tuórum vota fidélium múnera suppliciter oblá-

ta concílent, quod, etiámsi nostris opéribus non merémur, sanctæ Hemmæ, quæsumus, intercessióne mereámur. Per Dóminum.

Communio Ps. 15, 11

Notas mihi fecísti vias vitæ, adimplébis me lætitia cum vultu tuo: delectationes in déxtera tua usque in finem.

Postcommunio

Quæsumus, virtútum cælestium Deus: ut sacrificia pro sanctæ Hemmæ sollemnité obláta; desideriorum nos temporálium dóceant habére contéptum, et ambire dona fáciant cælestium gaudiórum. Per Dóminum nostrum Jesum Christum, Filium tuum: Qui tecum vivit et regnat in unitáte Spiritus.

Die 1 Septembbris S. VERENÆ VIRGINIS

Duplex

Missa Dilexisti, **de Communi Virginum 3 loco.**

Et fit Commemoratio S. Ægidii Abbatis et Ss. duodecim Fratrum Mm., ut in Missali hac die.

Die 12 Septembbris SSMI NOMINIS MARLÆ

Duplex II classis

Omnia ut in Missali hac die, mutato ritu.

Die 25 Septembbris

S. NICOLAI DE FLÜE
EREMITÆ ET CONF.

Duplex

Introitus Ps. 36, 30-31

O S justi meditábitur sapiéntiam, et lingua ejus loquéatur judícum: lex Dei ejus in corde ipsius. (**T. P.** Allelúja, allelúja.) **Ps. ib., 1** Noli æmulári in malignántibus; neque zeláveris faciéntes iniquitátem. **V.** Glória.

Oratio

Deus, qui beátum Nicoláum Eremitam, Angelórum esca mirabiliter nutríre, ac donis cælestibus cumuláre voluisti: concéde, quæsumus; ut ejus intercesióne Dominicum corpus digne súmere in terris, et gloriósum conspicere mereámur in cælis. Per eúndem Dóminum.

Léctio libri Sapiéntiæ

Eccli. 31, 8-11

Béatus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perféctus est, erit illi glória ætérrna: qui pótuit tránsgredi, et non est transgréssus: fácerem mala, et non fecit: ídeo stabilita sunt bona illius in Dómino, et eleemósynas illius enarrábit omnis ecclésia sanctórum.

Graduale Ps. 91, 13 et 14

Justus ut palma florébit: sicut cedrus Libani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. **V. Jac. 1, 12** Beátus vir, qui suffert tentatiónen: quóniam, cum probátus fúerit, accipiet corónam vitæ. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3

Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generáatio rectórum benedicétur. **V.** Glória et divítiae in domo ejus: et justitia ejus manet in sáculum sáculi.

Tempore autem Paschali omittitur Graduale, et ejus loco dicitur:

Allelúja, allelúja. **V. Jac. 1, 12**

Beátus vir, qui suffert tentatiónen: quóniam, cum probátus fúerit, accipiet corónam vitæ. Allelúja. **V. Eccli. 45, 9** Amávit eum Dóminus et ornávit eum: stolam glóriæ induit eum. Allelúja.

 **Sequéntia sancti Evangélii secúndum Mattháeum**

Matth. 19, 27-29

In illo tempore: Dixit Petrus ad Jesum: Ecce, nos reliquimus ómnia, et secúti sumus te: quid

ergo erit nobis? Jesus autem dixit illis: Amen, dico vobis, quod vos, qui secuti estis me, in regeneratione, cum se derit Filius hominis in sede maiestatis sue, sedebitis et vos super sedes duodecim, iudicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam aeternam possidet.

Offertorium Ps. 88, 25

Véritas mea et misericordia mea cum ipso: et in nomine meo exaltabitur cornu ejus. (T. P. Alleluja.)

Secreta

Laudis tibi, Domine, hostias immolamus in tuorum commemoratione Sanctorum: quibus nos et praesentibus exercui malis confidimus et futuris. Per Dominum.

Communio Matth. 24, 46-47

Beatus servus, quem, cum venerit dominus, invenerit vigilantem: amen, dico vobis, super omnia bona sua constituet eum. (T. P. Alleluja.)

Postcommunio

Refecti cibo potuque caelesti, Deus noster, te supplices exoramus: ut, in cuius haec commemoratione percipimus, ejus muniamur et precibus. Per Dominum.

Die 12 Octobris

In Ecclesiis consecratis Civitatis et Archidiocesis Vindobonen. excepta Metropolitana

IN ANNIVERSARIO DEDICATIONIS ECCLESIÆ PROPRIÆ

Duplex I classis

Missa Terribilis, de Communi Dedicationis Ecclesiae.

Die 13 Octobris

S. COLOMANNI MARTYRIS
Austriæ Patroni secundarii

Duplex majus

Introitus Ps. 63, 11

LÆTABITUR justus in Domino, et sperabit in eo: et laudabuntur omnes recti corde.
Ps. ibid., 2 Exaudi, Deus, orationem meam, cum deprecor: a timore inimici eripe animam meam. V. Glória Patri.

Oratio

Præsta, quæsumus, omnipotens Deus: ut, intercedente beato Colomanno Martyre tuo, et a cunctis adversitatibus liberemur in corpore, et a pravis cogitationibus mundemur in mente. Per Dominum nostrum Jesum Christum, Filium tuum: Qui tecum vivit et regnat in unitate Spiritus Sancti Deus: per omnia saecula saeculorum.

Et fit Com. S. Eduardi Regis:

Oratio

Deus, qui beátum regem Eduárdum Confessórem tuum æternitatis glória coronásti: fac nos, quæsumus; ita eum venerári in terris, ut cum eo regnáre possímus in cælis. Per Dóminum nostrum.

Léctio Epístolæ beáti Pauli
Apóstoli ad Timótheum
2 Tim. 2, 8-10; 3, 10-12

Caríssime: Memor esto, Dóminus Jesum Christum resurrexisse a mórtuis ex sémine David, secúndum Evangélium meum, in quo labóro usque ad vincula, quasi male óperans: sed verbum Dei non est alligátum. Ideo ómnia sustíneo propter elec-tos, ut et ipsi salútem consequán-tur, quæ est in Christo Jesu, cum glória cælesti. Tu autem assecútus es meam doctrinam, institu-tiónem, propósitum, fidem, long-animitátem, dilectionem, pa-tiéntiam, persecutiónes, passiónes: quália mihi facta sunt Antiochiæ, Icónii et Lystris: quales persecutiónes sustínui, et ex ómnibus eripuit me Dóminus. Et omnes, qui pie volunt vivere in Christo Jesu, persecutiómem pa-tiéntur.

Graduale Ps. 36, 24

Justus cum cecíderit, non collidé-tur: quia Dóminus suppónit ma-num suam. **V. Ibid., 26** Tota die

miserétur, et cómodat: et semen ejus in benedictióne erit.

Allelúja, allelúja. **V. Joann. 8, 12** Qui séquitur me, non ábulat in ténebris: sed habébit lumen vi-tæ ætérnæ. Allelúja.

In Missis votivis post Sept., omis-sis Allelúja et **V. sequenti**, dicitur

Tractus Ps. 111, 1-3

Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divitiæ in domo ejus: et justitia ejus manet in sǽculum sǽculi.

 Sequéntia sancti Evangélii secúndum Mattháeum

Matth. 16, 24-27

In illo témpore: Dixit Jesus disci-pulis suis: Si quis vult post me venire, abneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, áni-mæ vero suæ detriméntum patiá-tur? Aut quam dabit homo com-mutatiómem pro ánima sua? Filius enim hóminis ventúrus est in gló-ria Patris sui cum Angelis suis: et tunc reddet unicuique secúndum ópera ejus.

Post Septuagesimam in fine sequentis Offertorii Allelúja omititur.

Offertorium Ps. 20, 4-5

Posuísti, Dómine, in cápite ejus corónam de lápide pretióso: vitam pétuit a te, et tribuísti ei, al-lélúja.

Secreta

Accépta sit in conspéctu tuo, Dómine, nostra devótio: et ejus nobis fiat supplicatióne salutáris, pro cujus sollempnitáte défertur. Per Dóminum nostrum.

Pro S. Eduardo

Secreta

Laudis tibi, Dómine, hóstias immolámus in tuórum commemora-tiōne Sanctórum: quibus nos et præséntibus éxui malis confídi-mus et futúris. Per Dóminum.

Communio Joann. 12, 26

Qui mihi ministrat, me sequátur: et ubi sum ego, illic et minister meus erit.

Postcommunio

Refécti participatióne múneris sacri, quæsumus, Dómine, Deus noster: ut, cujus exséquimur cultum, intercedénte beáto Colománno Mártyre tuo, sentiámus efféctum. Per Dóminum.

Pro S. Eduardo Postcommunio

Refécti cibo potúque cælesti, Deus noster, te súpplices exorámus: ut, in cujus hæc commemora-tiōne

percépimus, ejus muniámur et précibus. Per Dóminum.

Pro votiva Temp. Pasch. dic. Mis-sa Protexisti, de Comm. Mart. 1 loco, cum Orationibus ut supra.

Die 31 Octobris
S. WOLFGANGI EP. ET C.

Duplex

Missa Sacerdótes tui, de Com-muni Conf. Pont. 2 loco, præter Orationem sequentem:

Oratio P

Deus, qui nobis ætérnæ salútis beátum Wolfgángum Episcopum ministrum tribuísti: præsta, quæsumus; ut, quem doctórem vitæ habúimus in terris, intercessórem habére mereámur in cælis. Per Dóminum nostrum.

Secreta C

Sancti Wolfgángi Confessóris tui atque Pontificis, quæsumus, Dómine, ánnua sollémnitas pietáti tuæ nos reddat accéptos: ut, per hæc piæ placatiónis officia, et illum beáta retribúto comitétur, et nobis gratiæ tuæ dona concílet. Per Dóminum nostrum.

Postcommunio C

Deus, fidélium remunerátor animárum: præsta; ut beáti Wolfgángi Confessóris tui atque Pontificis, cujus venerándam celebrámus festivitátem, précibus indulgéntiam consequámur. Per Dóminum nostrum.

Die 5 Novemboris

SACRARUM RELIQUIARUM

quæ in Ecclesiis Archidiœcesis
asservantur *S. 200**

Duplex majus

Omnia ut in Missali hac die inter
Festa pro aliquibus locis.

Die 13 Novemboris

S. STANISLAI KOSTKÆ
CONFESSORIS

Duplex

Omnia ut in Missali hac die inter
Festa pro aliquibus locis. *S. 201**
Et fit Commemoratio S. Didaci
Conf., ut in Missali hac die.

Die 15 Novemboris

S. LEOPOLDI CONF.

Marchionis et Patr. Austriæ prim.

Duplex I classis

Introitus Ps. 111, 7-8

IN memória ætérna erit justus,
ab auditóne mala non timébit.
(T. P. Allelúja, allelúja.) Ps.
ibid., 1 Beatus vir, qui timet Dó-
minum: in mandatis ejus volet ni-
mis. **V.** Glória Patri.

Oratio

Deus, qui beátum Leopoldum
a sæculi curis ad cælestem
glóriam traduxisti: concéde, quæ-
sumus; ita nos per hæc temporá-
lia transire, ut ætérnæ vitæ con-
sórtia mereámur. Per Dóminum.

In ejusdem Translatione dicitur:

Oratio

Deus, qui sanctum Leopoldum,
cujus translationem ánnua cele-
britáte recólimus, ex principátu
et curis sæculi hujus immaculá-
tum ad regnum cælestè tradu-
xisti: concéde propitius; tua cle-
mèntia ita nos per hæc temporália
dirigi, ut ætérnæ vitæ consórtes
éffici mereámur. Per Dóminum.

Léctio libri Sapiéntiæ

Prov. 3, 13-20

Béatus homo, qui invenit sapién-
tiam, et qui affluit prudéntia.
Mélior est acquisítio ejus negotia-
tióne argénti, et auri primi et pu-
rissimi fructus ejus. Pretiósior est
cunctis ópibus, et ómnia, quæ de-
siderántur, huic non valent com-
parári. Longitúdo diérum in déx-
tera ejus, et in sinistra illius
divitiæ et glória. Viæ ejus viæ
pulchræ, et omnes sémitæ illius
pacíficæ. Lignum vitæ est his, qui
apprehénderint eam: et qui te-
núerit eam, beatus. Dóminus sa-
piéntia fundávit terram, stabilívit
cælos prudéntia. Sapiéntia illius
erupérunt abýssi, et nubes rore
concréscunt.

Graduale

Malach. 2, 6 et Ps. 14, 1

Lex veritatis fuit in corde ipsius,
et iniqüitas non est invénta in lá-
biis ejus. **V.** In pace et æquitáte

ambulávit, et in monte sancto Dómini in ætérnum requiéscet. Allelúja, allelúja. **V.** Gáudeat ergo terra Austriæ tanti príncipis Leopóldi sublimáta triúmpho. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3

Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divitiæ in domo ejus: et justitia ejus manet in sǽculum sǽculi.

Tempore autem Paschali omittitur Graduale, et ejus loco dicitur:

Allelúja, allelúja. **V. Jac. 1, 12**
Beátus vir, qui suffert tentatió-
nem: quóniam, cum probátus fú-
erit, accipiet corónam vitæ. Alle-
lúja. **V. Eccli. 45, 9** Amávit eum
Dóminus et ornávit eum: stolam
gloriæ induit eum. Allelúja.

 **Sequéntia sancti Evangélii secúndum Lucam**

Luc. 19, 12-26

In illo témpore: Dixit Jesus disci-
pulis suis parabolam hanc: Ho-
mo quidam nóbilis ábiit in regi-
ónen longinquam accípere sibi
regnum, et revérti. Vocátis au-
tem decem servis suis, dedit eis
decem mñas, et ait ad illos: Ne-

gotiámini, dum vénio. Cives au-
tem ejus óderant eum: et misérunt
legatióne post illum, dicéntes:
Nólumus hunc regnáre super nos.
Et factum est, ut rediret accépto
regno: et jussit vocári servos, qui-
bus dedit pecúniam, ut sciret,
quantum quisque negotiátus es-
set. Venit autem primus, dicens:
Dómine, mna tua decem mñas
acquisívit. Et ait illi: Euge, bone
serve, quia in módico fuísti fidé-
lis, eris potestátem habens super
decem civitátes. Et alter venit,
dicens: Dómine, mna tua fecit
quinque mñas. Et huic ait: Et tu
esto super quinque civitátes. Et
alter venit, dicens: Dómine, ecce
mna tua, quam hábui repósitam
in sudário: timui enim te, quia ho-
mo austérus es: tollis, quod non
posuisti, et metis, quod non se-
minásti. Dicit ei: De ore tuo te
júdico, serve nequam. Sciébas,
quod ego homo austérus sum,
tollens, quod non pósui, et me-
tens, quod non seminávi: et quare
non dedisti pecúniam meam ad
mensam, ut et ego véniens cum
usúris útique exegissem illam? Et
astántibus dixit: Auférte ab illo
mnam, et date illi, qui decem
mñas habet. Et dixerunt ei: Dó-
mine, habet decem mñas. Dico
autem vobis: Quia omni habénti
dábitur, et abundábit: ab eo au-
tem, qui non habet, et quod ha-
bet, auferétur ab eo. **Credo.**

Offertorium Eccli. 47, 9 et 10

Dedit Dóminus confessiónem sancto suo, qui de omni corde suo laudávit eum; et diléxit Deum, qui fecit eum. (T.P. Allelúja.)

Secreta

Múnera, Dómine, oblata sanc-tifica: et, intercedénte beáto Leopólido Confessóre tuo, a pec-catórum nostrórum néxibus nos absólvere dignérис. Per Dómi-num nostrum.

In Translatione**Secreta**

Hóstiam tibi, Dómine, laudis of-férimus: ut beáti Leopoldi Con-fessóris tui méritis adjuvémur; et ab ómnibus adversitátibus libe-rémur. Per Dóminum nostrum.

Communio Ps. 111, 3

Glória et divítiae in domo ejus: et justítia ejus manet in sǽculum sǽculi. (T. P. Allelúja.)

Postcommunio

Deus, qui beátum Leopóldum Confessórem tuum mirificásti in terris, et gloriósus in cælis fecisti: eúndem, quæsumus, Ec-clésiæ tuæ constitue defensórem. Per Dóminum nostrum.

In Translatione Postcommunio

Súpplices te rogámus, omnipo-tens Deus: ut, sicut nos beáti Leopoldi sollemnitáte lætificas, ita ejus pia intercessióne custó-dias. Per Dóminum nostrum.

Die 16 Novembris

**S. ALBERTI MAGNI
EP., CONF. ET ECCL. DOCT.**

Duplex

**Missal ut in Missali die 15 Nov.
Et fit Commemoratio S. Gertru-dis Virg., ut in Missali hac die.**

INDEX ALPHABETICUS

Alberti Magni Ep., Conf. et Eccl. Doct., dupl. 16 Novembris	16*	Joannis a Capistrano Conf., duplex. 28 Martii	4*
Chrysanthi, Cyriacæ et Marcellini Martyrum, quorum Reliquiae in Eccles. Metropol. requiescunt, Translatio, duplex. 8 Junii	7*	Joannis Nepomuceni Martyris, duplex majus. 16 Maii	7*
Clementis M. Hofbauer Conf., Urb. Vindobon. Patroni sec., duplex II classis. 15 Martii	3*	Leopoldi Conf., March. et Patroni Austriae primar., duplex I classis. 15 Novembris	14*
Colomanni Mart., Austriae Patron. sec., duplex majus. 13 Octobris	11*	— — Translatio, duplex majus. 15 Februarii	1*
Conradi a Parzham Conf., duplex. 20 Aprilis	4*	Mariae Nominis sanctissimi, duplex II classis. 12 Septembris	9*
Dedicat. Eccles. Civitatis et Archidiœc. Vindobon., dupl. I classis. 12 Octobris	11*	Nicolai de Flœ Eremitæ et Conf., duplex. 25 Septembris	10*
Dedicat. Eccles. Metropol., duplex I classis. 23 Aprilis	6*	Petri Canisii Conf. et Eccl. Doct., duplex II classis. 27 Aprilis	6*
Floriani et Soc. Mm., Patron. Eccl. Metropol. Vindobon. secund., duplex majus. 4 Maii	6*	Reliquiarum sacrarum, quæ in Eccl. Archidiœc. asservantur, dupl. majus. 5 Novembris	14*
Fridolini Conf., Duplex. 6 Martii	1*	Severini Abb., Patr. secund. Eccl. Metrop. Vindobon. duplex majus. 8 Januarii	1*
Georgii Mart., duplex. 24 Aprilis	6*	Stanislai Kostka Conf., duplex. 13 Novembris	14*
Hemmæ Viduæ, duplex. 27 Junii	7*	Stephani Protomartyris, Titul. Eccl. Metrop., dupl. I class. 26 Dec.	1*
		Verenæ Virginis, duplex. 1 Septembris	9*
		Wolfgangi Ep. et Conf., duplex. 31 Octobris	13*

Concordat cum originalibus approbatis ideoque imprimi permittimus.

Vindobonæ, die 5 Januarii 1957 † JOSEPHUS STREIDT *Eppus Macren. et Vic. gen.*

Imprimatur. Ratisbonæ, die 8 Martii 1957 J. BALDAUF *Vic. gen.*